

宋六十一名家詞



清和眞詞

目錄

瑞龍吟一調
減江雲一調
還京樂一調
玲瓏四犯一調
瑞鶴仙一調
憶舊遊一調
秋蕊香一調
望江南一調
點絳脣一調
猶庭芳一調
過秦樓一調
歡帝遠一調
訴衷情一調
宴清都一調
木蘭花一調

瓊寒窗一調
應天長一調
掃花遊一調
丹鳳吟一調
西平樂一調
臺山溪一調
漁家傲二調
浣溪沙三調
一落索二調
隔浦蓮一調
側犯一調
浣溪沙四調
風流子一調
四園竹一調
霜葉飛一調

風流子一調
荔枝香三調
解連環一調
滿江紅一調
浪淘沙一調
少年遊二調
南鄉子一調
迎春樂二調
垂絲釣一調
法曲獻仙音一調
寒菊吟一調
點絳脣一調
華胥引一調
齊天樂一調
蕙蘭芳一調

宋六十名家詞

二

- | | | |
|-------|-------|--------|
| 塞垣春一調 | 丁香結一調 | 瓜州第一一調 |
| 解蹀躞一調 | 少年遊一調 | 慶春宮一調 |
| 醉桃源二調 | 點絳脣一調 | 夜遊宮二調 |
| 訴衷情一調 | 傷仲容一調 | 紅林擒近二調 |
| 滿路花一調 | 解語花一調 | 六么令一調 |
| 倒犯一調 | 大酺一調 | 玉燭新一調 |
| 花犯一調 | 瀟瀟兒一調 | 水龍吟一調 |
| 六醜一調 | 虞美人二調 | 蘭陵王一調 |
| 蝶戀花四調 | 西河一調 | 三部樂一調 |
| 菩薩蠻一調 | 品令一調 | 玉樓春一調 |
| 滿路花一調 | | |

和清真詞

宋 方千里

瑞龍吟

樓前路。愁對萬點風花，數行煙樹。依依斜日紅收。暮山翠接，平蕪盡處。小留佇。還是畫闌凭
暖半局朱戶。簾櫳儘日無人消凝。悵望時時自語。堪恨行雲難繫，賦情楊柳，徘徊猶舞。追想
向來歡娛懷抱，非故題紅寄綠。魂斷江南句。何時見。輕衫霧唾，芳茵蓮步。燕子西飛去。爲人試
道相思。悶緒空有腸千縷。清淚滿斑斑，多于春雨。忍看鬢髮密堆飛絮。

瑣窗寒

燕子池塘，黃鸝院落，海棠庭戶。東風暗許。惜與輕風柔雨。奈春光、困人正濃。畫闌小立，慵無語。
念冶遊時節。融怡天氣，異鄉愁旅。朝暮凝情處。嘆聚散悲歡，歲常十五。連飛並羽。未抵鴛朋
鳳侶。算章臺楊柳，尙存。楚娥鬢影依舊否。再相逢。解離鞍。燕樂同杯俎。

風流子

春色徧橫塘。年華巧。過雨溼殘陽。正一帶翠搖嫩，莎平野，萬枝紅滴繁杏。低牆惱人是燕飛盤
輾舞。鶯語咽輕簧。還憶舊遊，禁煙寒食，共追清賞。曲水流觴。迴思歡娛處，人空老。花影尙占
西廂。堪惜翠眉環坐，雲鬢分行。看戀柳煙光，遮絲藏絮。妬花風雨，飄粉吹香。都爲酒驅歌使，應

也無妨。

渡江雲

長亭今古道。水流暗響。渺渺雜風沙。倦遊驚歲晚。自歎相思。萬里夢還家。愁凝望結。但掩淚慵
整鉛華。更漏長。酒醒人語。睥睨有啼鴉。傷嗟。回腸千縷。淚眼雙垂。過離情不下。還暗思。香燭
香燼。深閉窗紗。依稀看徧江南畫。記隱隱煙蘊。空健羨。鷺鷥共宿叢花。

應天長

嫩黃上柳。新綠漲池。東風豔冶天色。又見乍晴還雨。年華傍寒食。春依舊。身是客。對麗景。易傷
岑寂。悵凝望。一帶平蕪。翦就茵藉。前度少年場。醉記旗亭。聯句徧窗壁。調笑映牆紅粉。參差
水邊宅。蘆鞭嬾過故陌。恨未老。漸成塵跡。漫無語。立盡斜陽。懷抱誰識。

荔枝香

勝日登臨幽趣。乘興去。翠壁古木千章。林影生寒霧。空濛冷溼人衣。山路元無雨。深澗斗瀉。飛
泉溜甘乳。漁唱晚。看小棹歸前浦。笑指官橋。風颭酒旗斜舉。還脫宮袍。一醉芳杯倒鸚鵡。幸
有雕章蠟炬。

又

小園花梢雨歇。浪差眩。碧瓦光霽。羅幕香浮。鶯啼燕語交加。是處池館春徧。風外認得。笙歌近

遠。醉魂半縈夜酒。吹未散。暗憶年時。正日赴西池宴。笑攜豔質。鄴曲新聲。妙如翦。有愁容易排遣。

還京樂

歲華愜。每到和風麗日。歡再理。爲妙歌新調。粲然一曲。千金輕費。記夜闌沈醉。更衣換酒。珠璣委。恨書燭搖影。易積銀蟾紅淚。向笙歌底。問何人能道。平牛聚合。歡娛離別。與味誰憐。露濕烟籠。盡栽培豔桃穠李。漫縈牽。空坐隔千山。情遙萬水。縱有丹青筆。應難摹畫憔悴。

掃花遊

野亭話別。恨露草芊綿。曉風酸楚。怨絲恨縷。正楊花醉玉。滿城雪舞。耿耿無言。暗灑闌干淚雨。片帆去。縱百種。避愁。愁早知處。離思都幾許。但漸慣征塵。斗迷歸路。亂山似俎。更重江浪森。易沈書素。瞪目銷魂。自覺孤吟調苦。小留佇。隔前村。數聲簫鼓。

解連環

素封誰託。空寒潮浪疊。亂山雲遶。對倦景無語消魂。但香斷露晞。絮飛風薄。杜宇聲中。動多少。客情離索。繞闌干。竚立。暗記那回。賞偏花藥。依依歲華自若。更低煙暮草。殘照孤角。嘆息故里春光。有幽圃名園。算也閒卻。早早歸休。漸過了芳條華萼。趁良時。按歌喚舞。舊家院落。

玲瓏四犯

傾國名姝。似暈雪勻酥。無限嬌豔。素質閒姿。天賦淡蛾豐臉。還是睡起慵妝。顧鬢影翠雲零亂。恨平生把鑒驚換。依約瑣窗逢見。繡幃凝想。鴛鴦薦畫屏烘。獸煙急。倚紅粉。憐香玉。聊慰風流眼。空嘆倦客斷腸。奈聽微殘。更急點。仗夢魂一到。花月底。休飄散。

丹鳳吟

宛轉迴腸離緒。嬾倚危闌。愁登高閣。相思何處。人在繡幃羅幕。芳年豔齒。柱消虛過。會合絲輕。因緣蟬薄。暗想飛雲驟雨。霧隔烟遮。相去還是天角。悵望不時夢到。素書漫說波浪惡。縱有青青髮。漸吳霜妝點。容易凋鑠。歡期何晚。忽忽坐驚搖落。顧影無言。清淚溼。但絲絲盈握。染斑客袖。歸日須問著。

滿江紅

爲憶仙姿。相思恨、纏綿未足。從別後、沈郎消瘦。帶圍如束。消息三年沈過處。關山千里無飛肉。算誰知、中有不平心。彈棋局。空想像、金釵卜。時畏翫、回紋曲。許何時重到。瑣窗華屋。長得一生花裏活。輒紅深處。鴛鴦宿。也勝如、騎馬著征衫。京塵撲。

瑞鶴仙

看青山繞郭。更暮草萋萋。疎煙漠漠。無風自花落。欲黃昏。誰向官樓吹角。剛腸頓弱。恨別來辜負。厚約。想香閨念舊。還憶去年。共舉杯酌。寂寞光陰虛度。未說離愁。淚痕先闕。珠簾翠幕。除

相見是奇藥。況中年已後。凭高臨遠。情懷終是易惡。早歸休。月地雲階。賸追笑樂。

西平樂

倦踏征塵。厭驅匹馬。凝望故國猶賒。孤館今宵。亂山何許。平林漠漠煙遮。恨過眼光陰似瞬。回首歡娛異昔。流年迅景。霜風敗華驚沙。無奈輕離易別。千里意。刷淚獨長嗟。綺窗人遠。青門信杳。叙影何時重見。雲斜空想憶吹簫韻曲。旋錦回文。想像宮商蠶拍。機杼生塵。誰爲新裝暈素華。那信自憐。悠颺夢蝶。浮沒書鱗。縱有心情。盡爲相思。爭如傍早歸家。

浪淘沙

素秋霽。雲橫曠野。浪拍孤樓。柔櫓悲聲頓發。驪歌恨曲未闕。念一寸回腸千縷結。柳條在。忍使攀折。但悵惘章臺路。多少相思。拚愁絕。淒切去程浩渺空闊。奈斷梗孤篷。西風外。蕪蘂殘吹咽。應暗爲行人。傷念離別。淚波易竭。凝怨懷羞。覩當時明月。煙浪無窮。青山疊。魚封遠。雁書漸歇。甚時合金釵分處缺。飄蕩海角天涯。再見日。應憐兩鬢玲瓏雪。

憶舊遊

念花邊玉漏。帳裏鸞笙。曾款良宵。鏤鴨吹香霧。更輕風動竹。韻響瀟瀟。畫簷皓月初掛。簾幕縠紋搖。記罷曲更衣。挑燈細語。酒暈全消。迢迢舊時路。縱下馬銅駝。誰聽揚鑣。奈可憐庭院。又徘徊虛過。清夢難招。斷魂暗想幽會。回首渺星橋。試彷彿仙源。重尋當日千樹桃。

暮山溪

園林晴晝。花上黃蜂尾。鶯語怯遊人。又還傍綠楊深處。曲池斜徑。草色碧於藍。闌倦倚。簾半起。魂斷斜陽裏。江南春盡。渺渺平橋水。身在一天涯。問此恨何時是已。飛帆輕槳。催送莫愁來。歌舞地。尊酒底。不羨東隣美。

少年遊

丹青閑展小屏山。香燼一絲寒。纖錦回紋。生綃紅淚。不語自羞看。相思念遠關河隔。終日望征鞍。不識單栖。忍教良夜。魂夢覓長安。

又

東風無力闌輕絲。芳草雨餘萎。淺綠遠池。輕黃歸柳。老去願春遲。闌干凭暖慵回首。閒把小花枝。怯酒情懷。惱人天氣。消瘦有誰知。

秋蕊香

一枕盤鶯錦暖。初起嬾勻妝面。綠雲嬾娜映嬌眼。酒入桃腮暈淺。翠簾半捲香縈線。礙飛燕。畫屏淺立意閒遠。春鎖深沈小院。

漁家傲

燭彩花光明似畫。羅幃夜出傾城秀。紅錦紋茵雙鳳闥。看舞後。腰肢宛勝章臺柳。眼尾春嬌

波態溜金尊。笑捧纖纖袖。一陣粉香吹散酒。更漏久。消魂獨自歸時候。

又

冷葉啼螢聲惻惻。銀牀曉起清霜積。魂斷江南煙水國。書難得。相思此意無人識。綠鬢金釵年少客。愁來嬾傍菱花仄。霧閣雲窗閒枕席。情何適。杯盈珠淚還偷滴。

南鄉子

西北有高樓。淡靄殘烟漸漸收。幾陣涼風生客袖。颼颼。心逐年華袞袞流。花卉滿前頭。老嬾心情萬事休。獨倚闌干無一語。回眸。鼓角聲中喚起愁。

望江南

春色暮。短艇纔長隄。飛絮空隨花上下。啼鶯占斷水東西。來往燕爭泥。桑柘綠。歸去覓前蹊。夜甕酒香從蟻鬪。曉窗眠足任雞啼。猶勝旅情悽。

浣溪沙

楊柳依依窄地垂。麴塵波影漸平池。霏微細雨出魚兒。先自別來容易瘦。那堪春去不勝悲。腰肢寬盡縷金衣。

又

無數流鶯遠近飛。垂楊裊裊弄晴暉。斷腸聲裏送春歸。鬢影空思香霧濕。機塵還想步波微。

去年花下酒闌時。

又

清淚斑斑著意垂。消魂迢遞一天涯。誰能萬里布長梯。先白樓臺飛粉絮。可堪簾幕捲金泥。相思心上乳鶯啼。

迎春樂

參差鳳鐸鳴高屋。漸驚覺清眼熟。看夕陽倒影花陰速。雙燕子。歸來宿。幾曲危腸愁易束。問雪鬢何時重綠。料想此情同。應暗損香肌玉。

又

紅深綠暗春無跡。芳心蕩冶遊客。記搖鞭跋馬銅駝陌。凝睇認珠簾側。絮滿愁城風捲白。遞多少相思消息。何處約歡期。芳草外。高樓北。

點絳脣

池館春深。海棠枝上斑斑雨。酒旗斜舉。風滾楊花絮。遊子征衫。凭暖闌干處。空凝竚。杜鵑啼苦。還報南樓鼓。

一落索

月影娟娟明秀。簾波吹皺。徘徊空度可憐宵。漫問道。因誰瘦。不見芳音長久。鱗鴻空有。渭城

西路恨依然。尙夢想青青柳。

又

心抵江遙長苦。淩波人去。厭厭消瘦不勝衣。恨清淚多於雨。舊曲慵歌瓊樹。誰傳香素。碧溪流水過樓前。問紅葉來何處。

垂絲釣

錦鱗繡羽。難傳愁態。顰黛岸草際天。雲影垂絮。人何許。漫並闌倚柱。煙光暮。悵榆錢滿路。送春殢酒。歡期幽會。希遇彩簫鳳侶。回首分攜處。雙臉吹愁雨。無限語。再見時記否。

滿庭芳

山色澄秋水光融。日浮萍飄碎。還圓數行征雁。分破白鷗煙。高下回塘暗谷。寫幽思終日。濺濺閒凝望。殘霞暝。靄靄何處。一漁船。江南思舊隱。筠軒野徑。茆舍疎櫺。慣攜壺花下。欹帽風前。想像淵明舊節。琴中趣。何必疎絃。歸歟計。不將五斗輸與北窗眠。

隔浦蓮

垂楊煙溼嫩葆。別喚環清窈。紺影浮新漲。夷猶終日魚鳥。花妥庭下草。鳴蟬關。暗綠藏臺沼。野軒小。欹眠斷夢。閒書風葉顛倒。詩懷酒思。悔費十年昏曉。投老紅塵倦再到。愁覺悠然心寄天表。

法曲獻仙音

庭葉飄寒。砌蛩催織。夜色迢迢難度。細剔燈花。再添香獸。淒涼洞房朱戶。見鳳枕羞孤另。相思
洒紅雨。有誰語。這年來爲郎憔悴。音問隔。回首後期尙阻。寂寞兩愁山鎖。閒情無限。顰嫩
雪消肌。試羅衣寬盡腰素。問何時夢裏。趁得好風飛去。

過秦樓

柳灑鵝黃。草揉螺黛。院落雨痕纔斷。蜂鬢霧溼。燕嘴泥融。陌上細風頻扇。多少豔景關心。長苦
春光疾如飛箭。對東風忍負。西園清賞。翠深香遠。空暗憶。醉走銅駝。閒敲金鐙。倦跡素衣塵
染。因花瘦覺。爲酒情鍾。綠鬢幾番催變。何況逢迎。向人眉黛供愁。嬌波回倩。料相思此際。濃似
飛紅萬點。（或作濕子空裏亂紅千點）

側犯

四山翠合。一溪碧繞。秋容靚波定。見鷺立魚跳。動平鏡。脩竹散步屨。古木通幽徑。風靜。煙霧直。
池塘倒晴影。流年舊事。老矣塵心瑩。還暗省。點吳箱憔悴。愧潘令。夢憶江南小園路迴。愁聽
葉落轆轤金井。

夢翁吟

暮色催更鼓。庭戶月影飄。記舊跡。玉樓東。看枕上芙蓉。雲屏幾軸。江南畫。香篆燼暖煙空。睡

起處繡衾重。尙殘酒潮紅。仲仲從分散歌稀。安小懷。麗質渾如夢中。苦寂寞。離情萬緒。似秋後怯雨芭蕉。不展愁封。何時細語。此夕相思。曾對西風。

蘇幕遮

扇留風。冰卻暑。夏木陰相對。黃鸝語。薄晚輕陰。還閣雨。遠岸煙深。彷彿菱歌舉。燕歸來。花落去。幾度逢迎。幾度傷羈旅。油壁西陵人識否。好約追涼。小鱖兼葭浦。

浣溪沙

菱藕花開來路香。滿船絲竹載西涼。波搖髮彩粉生光。翡翠雙飛尋密浦。鴛鴦浪睡倚回塘。閒情須與酒商量。

又

密約深期卒未成。藏鉤春酒坐頻傾。向人嬌豔夜亭亭。相顧無言情易覺。歸來單枕夢猶驚。眼梢怨淚幾時晴。

又

面面虛堂水照空。天然一朵玉芙蓉。千嬌百媚語惺忪。未散嬌羞輕彈髻。欲融輕雪乍凝胸。石榴裙衩爲誰紅。

又

刻樣衣裳巧刻綰。綵枝環繞萬年藤。生香吹透縠蠶冰。嫩水帶山嬌不斷。濕雲堆鎖膩無聲。香肩婀娜許誰凭。

點絳脣

閒蕩蘭舟。翠娥仙袂風中舉。鴛鴦深浦。綠暗曾來路。留戀荷香。薄晚慵歸去。還相顧。練波澄素。月上潮生處。

訴衷情

遠山重疊亂山盤。江上晚風酸。秋容更兼殘日。楓葉照人丹。書未到。夢猶閒。鬢先斑。凭高無語。征雁知愁。聲斷雲間。

風流子

河梁攜手別。臨歧語共約。踏青歸。自雙燕再來。斷無音信。海棠開了。還又參差。料此際笑隨花。便面醉騎錦鄴泥。不憶故園。粉愁香怨。忍教華屋綠慘紅悲。舊家歌舞地。生疎久。塵暗鳳樓羅衣。何限可憐心事。難訴歡期。但兩點愁蛾。纔開重斂。幾行清淚。欲制還垂。爭表爲郎憔悴。相見方知。

華胥引

長亭無數。羈客將歸。故園換葉。乳鴨隨波。輕蘋滿渚。時共。接眼春色何窮。更槽聲伊軋。思憶

前歡未言心已愁怯。歎鬢吳霜恨惺惺。又還盈鑷。錦紋魚素。那堪重翻再閱。粉指香痕依舊。在繡裳鴛篋。多少相思。皺成眉上千疊。

宴清都

暮色聞津鼓。煙波碧。數行征雁時度。輕榔聚網。長歌和楫。水村漁戶。行人又落天涯。但悵望高陽伴侶。記舊日酒卸宮袍。馬酬少妾詞賦。如今鬢影蕭然相逢似雪。徒話愁苦。芳塵暗陌。殘花徧野。歲華空去。垂楊翠拂門徑。尙夢想當時住處。縱早歸綠漸成陰。青娥在否。

四園竹

花驄縱策。制淚掩斜扉。玉爐細鼻。鴛被半閒。蕭瑟羅幃。銀漏聲。那更雜疎疎雨裏。此時懷抱誰知。恨淒淒。西窗自翦寒花。沈吟暗數歸期。最愛深情密意。無限當年往。復詩辭。千函紙。甚近日人來字漸稀。

齊天樂

碧紗窗外黃鸝語。聲聲似愁春晚。岸柳飄綿。庭花墮雪。惟有平蕪如翦。重門向掩。看風動疏簾。浪鋪湘簾。暗想前歡。舊遊心事寄詩卷。鱗鴻音信未覩。夢魂尋訪後。關山又隔無限。客館愁思。天涯倦跡。幾許良宵展轉。閒情意遠。記密閣深閨。繡衾羅薦。睡起無人。料應眉黛斂。

木蘭花

溶溶水映娟娟秀。淺約宮妝籠翠袖。舞餘楊柳乍繁風。睡起海棠猶帶酒。憔悴蕭郎綠底瘦。那日花前相見後。西窗疑是故人來。費得羅牋詩幾首。

霜葉飛

塞雲垂地隄煙重。燕鴻初度江表。露荷風柳向人疎。臺榭還清悄。恨脈脈離情怨曉。相思魂夢眼屏小。奈倦客征衣。白徧拂塵埃。玉鏡羞照。無限靜陌幽坊。追歡尋賞。未落人後。先到少年心事。轉頭空。況老來懷抱。儘綠葉紅英過了。離聲慵整。當時調問。麗質從憊。悴消減腰圍似郎多少。

蕙蘭芳

庭院雨晴。倚斜照。睡餘雙燕。正學染脩蛾。官柳細勻黛綠。繡簾半捲。透笑語瑣窗華屋。帶脆聲咽。聞遠近。時聞絲竹。乍著單衣。纔拈團扇。氣候暄燠。趁騎馬香車。同按繡坊畫曲。人生如寄。浪勤耳目。歸醉鄉猶勝旅情愁獨。

塞垣春

四遠天垂野。向晚景。雕鞍卸吳藍。滴草寒綿藏柳。風物堪畫。對雨收霧霽初晴也。正陌上煙光灑。聽黃鸝啼紅樹。短長音如寫。懷抱幾多愁。年時趁歡會幽雅。盡日足相思。奈春晝難夜。念征塵滿堆襟袖。那堪更獨遊花陰下一別。髣髴毛減。鏡中霜滿把。